

19. nov.

Apeqquteqaat aallaavigalugu oqallinnissamik siunnersuut: Qanoq ililluta ilagiit sinniisoqar-neq nakussassarsinnaavarput? aamma qanoq ililluta soqutigineqarnerulersissinnaavarput?
(Inatsisartunut Ilaasortaq: Anthon Frederiksen, Partii Naleraq)

Kalaaleq timikkut tarnikkullu peqqissoq toqqissisimalluni inuiaqatigiinni suleqataasq pilersissa-llugu sulissutiguassallugulu Siumup pingaartitaraa.

Ilagiit sinnissaannut qinersisarneq Ilagiit sinniisaannut qinersisarnerit pillugit Namminersorlutik Oqartussat nalunaarutaat nr. 2, 23. januar 2013-imeersoq naapertorlugu pisarpoq.

Ilagiit sinniisaat tamat oqartussaaqataanerannut pingaarutilimmik inissisimavoq, taamaattumik tamat oqartussaaqataaneranni soqutiginarpuvoq aamma ilagiit sinniisaannut kikkut qinigassanngor-tikkusullutik sassartarnersut.

Maluginiarnanngitsuunngilaq pingaartumik illoqarfinni inersimasut utoqqasaanngulersimasullu qinigassanngortittarnerat, soorli inuusuttut illoqarfinni anginerni ilagiit sinniisaannut qinigassa-nngortinnissamut soqutiginninnerat annikinnerunersoq imaaliillaanaq eqqoriaruminaappoq, taa-maattoq inersimanerusut utoqqasaallu amerlanerusut qinigassanngortittarnerannut peqqutaasori-narpoq ukiuni siuliini inuiaqatigiinni oqaluffiup malunnaateqarnerulluni ornigarneqarnerullunilu inissisimasimanera ilagiinni ilaasortat naalagiarternermik pingaartitsinerunerat.

Upperisaq oqaluffiullu ukiuni nutaajunerusuni inissisimanera ilagiinnilu naalagiarterneq annikilli-artorluni pingaartumik nalliuttuni allatullu ilaqutariit iluanni pisoqarnerani aatsaat atorneqartarnerat amerlanerusutigut pisarluni, sapaatsikkut nalinginnaasumik naalagiarterneq annikilleriarnikuuvoq, taamaattumillu inuusuttut akornanni tamat oqartussaaqataanerannut oqaluffiup tassanilu ilagiit sinniisaasa inuiaqatigiinni sunniuteqarsinnaanerat ilisimannginneqarnerulernikuulluni. Tamanna-a-vorlu Siumumiit inuusuttut ilagiit sinniisaannik soqutigisaqannginnerunerannut peqqutaqaatasut ilimagisarput.

Ilagiit sinniisaannut qinigassanngortikkusussusermik inuusuttut akornanni pilersitsissagutta Siumu-miit isumaqarpugut ilagiit sinniisaasa suliaasaannik akisussaaffiinillu ersarissaaneq pisariaqartoq, ilagiit sinniisaannut ilaasortaanermut akissaatit soorunami pingaaruteqarput, taamaattoq immineq pingaarutilittut qitiusumik inissisimasuusut isumaqanngilagut. Upperisarmi aallaavigalugu suliner-mi upperisap siuarsarnissaa, illoqarfimmi najugaqarfiusumi innuttaasut ataqatigiinnerunissaannik kiisalu oqaluffiup ingerlalluurtup qulakkeerinniffiunissaannik sulineq pingaarnerusutut Siumumiit isigaavut.

Ilagiit sinniisaasa atugaat eqqartueqataafiggissallugit Siumumi pingaartutut isigaarput, siunnersuu-teqartup eqqaavaa ilagiit sinniisaannut atugassarititaasut amerlasuutigut qinikkanut allanut sanilliu-llugit naapertuutinngitsumik inissisimasut, ilaatigut eqqaallugit akissarsiaqartitaaneq, tamanna ingerlaavartumik eqqartussallugu pissusissamisoorpoq. Taamaammatt siunnersuuteqartoq apereru-sunnarpoq ilagiit sinniisaat kommunalbestyrelsimi ilaasortatut kommunimi politikikkut akisus-saaffeqarlutik suliaasalittut immaqaluunniit Inatsisartuni ilaasortatut nuna tamakkerlugu ineri-ar-

tortitsinissamik akisussaaffilittut akissaasersorneqassanersut, taamaassappallu akisussaaffiit pisisaaffiillu ilagiit sinniisaannut tunngasut siaarlugit allanik akisussaaffilersorlugit sunik pisisaaffilersorneqassanersut eqqarsaatigisimaneraa, taamaassimappallu pisisaaffiit akisussaaffiillu suut eqqarsaatiginerai ilagiit sinniisaanut tunniunneqassasut?

Ilagiit sinniisaasa akissaasersorneqarnerat angalanermi, angalanermut atatillugu najugaqartitaanermi ataatsimiinnernilu ajunnngitsorsiassaasoorlutaaq ilagiit sinniisaanni suliaqarnerminni sulinermut annaasaqaatit pillugit taarsiiffigitissinnaaneq *Provsteqarfinni ataatsimiititaliani ilagiillu sinniisaanni ilaasortanut qinikkanut ullormusianik, angalanermi ineqarnermilu iluarsissutinik kiisalu sulinermit isertitassaraluanik annaasanut taartisiassanik tunniussisarneq pillugu Namminersornerullutik Oqartussat nalunaarutaat nr. 32, 17. december 1996-imeersumi aalajangersarneqarpoq, taannaavorlu Siumup isumaani allanngortissallugu siunnersuuteqarfigineqartussaq ilagiit sinniisaanni akissaatitigut, atortulersuutitigut allatigullu atukkat pitsaanerusut pilersissallugit sulissuteqarniaraanni.*

Taamatutaaq Siumumi isumaqarpugut ilagiit sinniisaanni sulineq inuusuttunut soqutiginarsarneqassappat ilagiit sinniisaasa suliassaasunersut annertunerusumik qaammarsaatigineqarsinnaanerataq qutissaasinnaasoq, taamaalornikkut ilagiit sinniisaat inuiaqatigiit tarrarsorfigisinnaasaannik, tassa inuusuttunit, inersimanagerusunit utoqqaanerusunillu aamma ilaasortaqaaleqqullugit.

Taama oqaaseqarluta ilagiit sinnisoqarneq nakussassarneqartariaqarnera pillguu apeqquteqaat aallaavigalugu oqallinnermut siunnersuuteqartoq qutsavigaarput.

Vivian Motzfeldt
Siumut